

KOTAVUSA VIRDA

KOTAVUSA VIRDA VESTASA VA TAMAVA IS ARAYEEM MU AYIKEEM

Santaneaksat ke 2024

25^e otuk

Kotava, tela tamefa golerava
Va ina kosmac !!



Vasco

BIZANTIYA

GILLES CHAILLET

Vasco 3. Bizantiya

Francavafa xantofa
wimbra.

Vasco, La Byzantine
(1984)

Sutesik is zovdasik :
Gilles Chaillet

Ksevasik : **Chantal
Defachelle**

Piskusik : **Éditions du
Lombard**

Kalkotavaks :


Vasco, Bizantiya


Kalkotavara : **Damien
Etcheverry** (2024)

*Sanegara bad 2 otuk ke
virda. Taneaf lik koe bat.
25° otuk, azu toleaf koe
26° otuk.*



EDITIONS DU
LOMBARD





Ox me ! Merotisa !



GAN SAN GIORGIO, VASCO !
Isen va ino riwe al ipé ! En fiste
va ewala gomallapi !

Mek zvak, tota
romallapir !




MANE KIMTYE !
Va burmesa ako-
yera abdikalí.



Baglioni weltikye ?... Vasco Baglioni ?... ..

Ux, gue ...?...



Tiv ke Tolomei sistu.
Ixeson va cinafa
gavera, co ikavebapal,
voxen warzot ke
rinafa artlapira va
cin oxam su artfir.



Oretlaca ! Voxen va bat baroy
tozekik kagrupé. Vasco kimtye ko
straf nubeem su luber ! Kemev...



Rodos tir listanyafa
widava ! Winafa blira
batlize ape tir dum
teca fuda !

Mex ? Voxen va
cin radimelanil.
Bata revava vas
loskafa nuda
ruldar.



Ex kle ! Kas fu kalic da jinafe
ziavikye va dolta koe mano
letafo xo exoneyer ? Va idja ke
wid illanit !



Ovenyel, weltikye ! Neken pírdá da
va cin meladimvegeson fu dosital...
Vangrupel ?





Va kolmeem ke bata vedistacanya me grupé, voxen jinafa jonvielera koe Rodos ape fu tir deasesa. Kas bata relingera va jinafa kogrupara tikir oke co tir kanyuva ?



Tolomei omeltxe ? Batlize vol tigr ! Va Kollakion gokolanil, i va widaki ke okollapisikeem ! Va bate sistuxe poka Yorida ke Franca trasitil.

Lorik va rin kumzilir !!



To gevasa kevaxara va letaf nudatum kabdion !



Kadimion... Vasco Baglioni til, kalil ? Va rin me keyev !

Voxen kas va lana staksa ke Tolomei weltikye walzesa gu jinafa artlapira me kazawayac, pfux ?



Gue, gue tire, agralafe jotye, voxen dakteyen staksenik va int ixam atoeer, weti tanoya safta !


?
















Me kivac !! Va felisik ke bato xo anton aneyá...
Oyox, sinyá va jin numegildad ise zo tueaftad !...



Me rovodaeské ! Suesik ape al
stubed. Va bat tuvel fu remolaní !!



EEEX!



AAAX!



SUESIK !!

OOX...
TUMTAFÁ
GADIKYA.



Koe... koe ayikyaxo tigil !
To mano xo tove ayikye
en zo pour ! Ve griawil !!

To bora... Kontan !



Ux... tan stolenik su
laxuyater !... Voxen cin...
va in fu sopev.



Tokinde va ayikyaxo
rovekolanic ??? Vol dosté !!

Voxen... to rin su...



DIVON!!



Acum layateyel !?!

Tokinde va rin rogrewá ?... Felisik va bato xo va cin guaptar, i va jin is dositiktum. Ta porara va kelt, iskel da va rictaga rowalzé enide niktum di zo tunuyar... Ixú da va meka dempa levगत !



JLOKIK ! Tí felisik va bato xo ! To jin va winafa guldera dirgayá !
VA KOT WIN !...


Ex ox !...



Toktan co roguzekar da gloga ke rotubgik kake mana listuca tir ? Va kona pebura rotir zinulá... Weltikya... ??




Ovel, godafú... Voxen abdion, novel da va int lowalnon vagé... Ostik, jinafa yoltega tir Sofia.



Kaikion.

Kalterektal, Vasco !! Mali tandacku, genovik va Konstantinopolis deblamed. Va bizantiaf toteemam drikon vilayad nume ika jovlera va deblamera, va granafa culiekara dined !




Va batcoba, grupeyé...

Battode grupeckel da gindik ke Bizantia, i Kantakuzenos, va batman culiek me rovododer. Enwe, mali toloya decemda, orkon gu grelera is lumisara, winaf omeltik va Konstantinopolis nuvon dun azreged. Va kulaceem bakoneyed numen gindik re tir robiskaf.



Numen aelakola va jinaf kimtaf wid dratcecker !...



Va jivot ke bizantiafa sanelia temapá, voxen koe bata piza va tokcoba yordav ?

Me al diepilel ?



Ede metan va cin greler, pune genovik va Konstantinopolis fure kolanitid. Banvielu to atitsura ke decitda ke seltay titir !



Kaxe, arak ke tamava dikeke vaon nutrumar. Fiste va koncoba yavayav enide di zo kimbayav...

Me djukalil da...



Gue en !... Viele ko Rodos irubayá, pune otapa dem omeltafe sistuxe va jin woltendayar...



Ina va kotcoba pu rinaf yatesik koe estuxo kareizur !

Tcax !... Lani !!



... Larde va omeltikeem ke Rodos al kigdé, pune va paxay ika sinafa tunuyara rovodiné. In noveter da va culiek imaxun gan genovik dodeté nume va Konstantinopolis giwatá...

Krede sistu di doded !



Dodeted, lanel !! Ede va win co jovled... pune sinafa levrotira va kotafa Roneka co tenuwer !

Voxen... ede skre co di vewad...?



Me tiv zugiaf adjubesik. Mantode va vewara ke omelt ika winafa nuyuca co dodetec.

Tetce... ex !



Neken jupekatá, Vasco !





Lion dam rin galpé ! Voxen toka oviskaca va rin batinde platir ?

Tí nazbeikya ke Kantakuzenos gindik.



Xum... sersikya tir pulvi-djarsafa. Nutir siakrafa gu mempera ke bate jotikye... Ede ine co lajuyater !...





Bak direfa safta, omeltikeem ke Sienna is Pisa is Venezia is Milano is Firenze va gundafa staksa kazawayar. Radeyesa suka mo omeltafa tamava ve duyur. Ba 08 ke pereaviel, lombardiik va sint ton cugun-aykaf pirdot koe Firenze katanayad. Tolomei megaveson artlakiyir.



Kas folil da guldesik va minafa Vasco askipejed?

Xum... inafa skeusafa twa jupad da volson trakú...



Ax artlanit! Kas grupel da Venezia va permik minon givatas gu astirbaf warzot su stakser vielu va detce ke minafa katanara grupeyer?



Isen tire, kadimion, ban permik va omeltikeem gukoer.

Geja wal Venezia is Genova fu sokir. Ede Kantantinopolis, tuke winyon ducato talolk, va bliba ta dodera va culiek dinen gan genovik co dikir, pune ban sin va tapega ke gijarotifa ervolia co di seotad, i va ervolia rodevilasa va cin.




BATDUME VA DODERA VA PAXAY IMAXUN GAN GULDESİK VA WINYON UNENİK PU WIN GOVEMALPOUV !

Kan toka roka Venezia va cinyona arienta koropir?

Va winafe arge siv!


Va paxay stakstetev kore batcoba va win me puver!



OX ME, VOL !


Cinaf sayakik va berma zonosted. Ede me movegec, pune va win di govesopev !








Arti baroy mielcek, lana totapa va krimta ke Ellasa vanlapir.




MANA SELEKARA ! TURKIK !

KO TOTA !... WILUPON ! KO TOTA !!!...




Voxen milvulon, konaka koteyasa tcekara va miel koafid.



Vere tota dum reliez is felay koafiawer.



SERSIKYA ! KOE TOTA AL ZAVZAGIR !



... To ina !...




Wori moe domega.



Sin va min fu staked !

Bak vulama, turkaf okollakisik al vukid, nyaseson va wivga. Arti abica ristasa amlitara, laizon is riyomeson vere iped !








Wori kigdesik va sersikya, va intaf nariks adaerser nume va okol al gonazavzar...



Ban mefolis vakolikaj ko bat derost su griawir...



Ex Marduk ! Va tokcoba kle askil ?


Va jin kevlanic !! Lantanya is tane detiky koe bata raporna vasked.



Obrat !! Sin vanlanid !
Va int omat !!



Licaweson koe kroye ke pistafa dzeta, toloy yik va gaelera kagid. Tcor va sint kactad isen bata anyerkafa uzera va Vasco konteper.



Mewison su pokolanid.



Rinaf zveriik tid merotrasin, Marduk ...



Nope bata orika. Ax, riyomé !

Reis, to minaf genovik artlanir !



Va slik ugal ixam al drasut, ko winaf pemaxo dimlanit !! Kottode, omeltiktum al xonuker.






Banlizo Reis ! Nutir runak ke kona arula !

Oyox ! Va iteemany dil, Osman !









MEROFOLINA IZVA KE SELAROPA


MEROFOLINA IZVA KE SELAROPA

Gripestara (1/4)



Gripestara (2/4)





Gripestara (4/4)





AN VIEL

AN VIEL

EBELTAF SANEAKSAT

1917 : FRANCAF AROTIEVIK
IDJON GU ROSSIAFA ARTOWARA

An viel

Francavafa xantofa
wimbra.


Le Jour J / Octobre noir
(2010)

Sutesik is nios : **Fred Duval**
is **Jean-Pierre Pécau**
Zovdasik : **Florent Calvez**
Piskusik : **Delcourt**

Kalkotavaks :

An viel, Ebeltaf Saneaksat
Kalkotavara : **Damien**
Etcheverry (2024)

Sanegara bad 3 otuk ke
virda. Toza koe bat 25^e
otuk, wana koe toloy diref
otuk.






DEL COURT








DUVAL & PÉCAU - CALVEZ

04



* IKAYOLT KE YOSIF VISARIONOVITC DJUGACVILI (STALIN) BANUGALE














* MELD BAK GEJA KE 1870, DEM
ZOLONAPAF FRANCAF XONUKEEM









* BIRGAF ARDIAL KE GINDIK





















BATCOBA,
ABEGAF BLONDIN, IME
TIR TAGELTACKAFA !
WIL !!







Matteo Ricci koe Poun Wid ke Beijing

Francavafa xantofa wimbura.

Matteo Ricci dans la Cité Interdite (2022).

Ksevasik : Jean Dufaux

Zovdasik : Martin Jamar

Piskusik : Dardaud Lombard

Kalkotavaks :

Matteo Ricci koe Poun Wid

Kalkotavara : Pierre van Moorgen (2024)

Zixa 1/6. Direfa zixa koe 26^e diref otuk.

1/6

MATTEO RICCI

Koe Poun Wid ke Beijing

Titi XVII-eafa decemda, Matteo Ricci italiafe Iesu vuidanikye va Sinia exuler. Va orpeem is yona alka volke int malaskir. Toka klokara ke bat ayik tu dere kocopik is liwotopik is solokseropik tir ? In va gindik djukakever. Voxen vawa tir abrotcafa is wupesipisa kal Poun Wid ke Beijing lize Nazbeikye ke Kelt soker.

Jean Dufaux tir niosasik va Murena kiewatcaf wimbratum isu Djinn isu Giacomo C- voxis konak noeltaf otuk ke Blake is Mortimer wimbratum, ise va dimconyukara va cugunaylafi bali ke bat ponkik ta gindesuca koe bata warzafa wimbura suver, i ke bat deasik wal Roneka is Talteka. Ton tevoya zixa, va bata wimbura ke ayafa stuvapa kosmal !!



Dufaux et Jamar,
©Dargaud Benelux
(Dargaud-Lombard SA)
2022

Beijing,
1601.

Kali reugal, abic taltekik va anambe ke Poun Wid
al rovokolanid. Banlize kadime ontinafa norkafa
migexa, nazbeikye ke Kelt vawale yasa is aboyikeem
is etorkikyeem is ikrezuunikafa mava blir,
i ke etorkik belundas va jontik gogol is denafi roti.

Dye, Ma Tang tan flibapik tis yutesik
koe Lintsing va toloy detik auzar
numaze gu divulapaf warzot zo givar.

Lan diveik va widava su koirubar !
Nuve me tir toidesik ok volnaf
askisik, vols grupelik lajuwayas
va zobera ke lanyon strabaflibik.
Ostik va remeluxaxa dadir.

Strabaflibik !
Pflux !.. to radjik
va arienteem
vol dulaped !

Va waltegisik gu
gindik kaaneyar.
Va siabeks gobundan
pu Gindaf Ilamkik
dagir. Va moava, va roga.
Va nida gu dilgava nuve
grubetar.

Enwe ? Voxen va bat ayik gokakevé !
Tok inaf yolt tir ?



Inaf yolt tîr Matteo Ricci. Ini koe Macerata koe Italia kobliyîr. Tison sanlerddafi, va bema ke Iesu alkakizey denfiyîr aze dene Romafa Reila vayayar aze koe Kochi bak pereaksat ke 1580 zo tugertayar.



Mali 18 tanda, zanitison va Lorik, va Sinia dun exuler. Moo vawa is keno bost darpe cadimeem, ralentanon gu dempa vox dure tison tulon takrelafi is voljovleson...



Va gruucapa dir, i va gruuca ke takra is swava, is va malaskira va orpa is folixa amidafa gu telyona intafa. Inafa grupera va solokseropa is kocopa is grutera va trakopa is truliara jupad da gan sekan gruadik isu strabafibik zo karolar. Batkane vanpir « Grupelik ke sumefa Talteka ».



Voxen voldrike wan zo gonaskir. Ini va Nazbeikye ke Kelt miv djukevlanir kire to mal taka kal alto djutitfir. Wori mecoba tîr lanafa. Kolanira va Poun Wid a pilkafa ganera ke Gindik en tîr volrotisa... Isen mana ganera a pliera ke kon drumef pirdasik me zo roseotar...



ok ke kon aboyapaf ikrezuunik...

Kas sin gu
jinafa auzura al
zo abdiwalzed ?

Gue, Porapik.
Va rin ked.
Diolik is toloy zanisik.



Bat toloy
« zanisik »
yoltackan gan
buresik va
kevuawalt ke
Ma Tang, enwe
tid koyas dositik
ke Ricci.

To in.
Guxeyawet !!



Battan tir to
Fernandez tucpastikye
tise nazbeik ke kulaf
wideytik ke Macau.
Va wazderugal dositon
gu Matteo Ricci
kotaskir.



Isen bantan tir
Diego Pantoja
tu Iesu
alkavuidanikye
nukivase
va meke wupe.



Bat baroy alkik va auzusik fraltupuson emudeyed,
voxen Ma Tang va liweem fure kalnediyir.



Su zo giva da va yal
pu Gindaf Ilamkik co djufirvic.
Va jinafa pomara dikitic.
Voxen va bat yaleem
abdion co djukurinde.

Efegue.
Ede va jin
co djura-
dimlanil...




Va toloya bartivela is tanoy poz is tanoy sodjey
is toloya trutca is konaka karbapa digiv.








Tuke batyon yal is jinafa turestarapa,
Gindik va win rotir djuprogemudeter...
Va win kowalzeté.
Voxen coba rotir jijasa.



Benele batlize tigr, koe blikera manetena pu bata gamda.
Jiomik va min gildeter. Keson, va vuuda wan askit !!!
Gan kontan me zo divtakrelat !! Va bana tamava kevfir !!

... lasuvangrupeson, kagrupeson va listaca is kulaca. Kore sina va cinafa gildara isu folixa cugote divvawad...



Jontikcoba zo gokosmad ! Kabdue bate tame dem listuca is groya. Dem dere vecara... Voxen tanoya blira co tir dika ta vangrupera va nidekseem.



Keson, va xo tarká !! Ise remravé !!



Va diersa ke bata patecta poral ?! To batcoba va jin evodar !





!?
Ax kle !
Voxen...
toktan til !??

Diveik dum rin, Gertikye.
Wori, leve izga re wan zavzagí.
Miledje, rin, koe mano xo
vanyejel ! Batcoba tir
felkomara va Lorik...



Toka felkomara tir tode
va batyona folira tarkackat ?
Kore broya belcekawer.

Batlize tigít enide va folireem
volke Ujaroti di tsentet. Kas
va batcoba
al vulkul ?



Jinaf yolt tir Don Herrera.
Sancta Inquisitio alkakizey
va jin al ervoar enide mecoba
di zo drasur, di zo sumplekur...

Va rin karavaldá,
va sumplekura ok
eglura me ugali.



Van bata
tamava mali
jontika tanda
xowá, i van
tamava jinon
dure skeuna is
lasubasbeksana.

Aeskeckel !
Va kotbata diersa
govetrovgal !
Va meka runda
mu sina koe
intafa trakura
goniskel !!




Jinafa trakura va
Kristos dun vanfid,
i va Minaf Giwasik.
Isen me foli da in
gidivlapur.

Batlize tigí
enide va
banyon govitik
di godeweldel.
Moo kelda
me eglul !!



Isazen...
minyona vawa
gamdaweted ?

Va rin gin wítil.
Abdida va
gokerelen rundak
al naratá.



Man divulgaf korobik !
Me grupéyá da warzaf
dastrubeniktum mal Talteka
koe Beijing tigiyr.
Baticoba nutir merogestana...!



* Re til ton sopenuca !

Wana koe diref otuk...



Kotavaxak dem suterot

TARLESIKTUM KE BOUNTY TOTA

Jules Verne

Berpotam (1879)



Bligh, gildas da bata tarlesa swava vere zo gogrelander va tan wedok konarir, aze kabuson va ar tit tcumivesik, iegar :

— Korojul oke va rin dum vakol aytá !!

Bata votcukaca vere askir da tarlesik va int kofir, numen jadifa volvaleuca tuvumeltawer.

Bak bata vurjara, drig ke likay va orek is kuldoy is lavada aultoveson warolar.

Loon abduon, koe Endeavour vedil, toloya lospa ta tcabanera va imboza ik noddí zveri zo staksed ; taneafa ton vlardaf nubeem dimpir ; toleafa va tevoyi noddí zveri vanburer, voxe loote co nariyir ede tanoy mingas tcabanesik il palikeem me co mangiyir nume va yoni zveri me co kovudayar. Bat ayik, moion, di welidar da va peroy bat sulem konariyir aze va sin zakaf moe xo al estur.

Arbe bligeem trasiyin kene krimta ke New Holland isu lavada, arse Bligh is dositikeem co xonukeyed. Ostik, kot tid ton wavlaf sok, viuajaf, griaskiyin, ciondapan, i riwe yona awalkoda.

Totara rem grocela, kal Timor, tir kranavafa toldilizera ke mejera ixam ekeyena gan batyon volfikuntik abdi vankrira va krimta ke New Holland. Voxen, acagirapo ke kotote sin al kastawer. Arti konak viel, nimateem tid adeeweyes. Nope bat axasokars, sin riwe dun djukenibed. Batcoba tiyir abdifisa sugda ke fure sokitisa tena. Acum, Bligh vofas, va jontolafe vace pu danyon tuaxawerseyes anamzilir ise lagaskir da sin wan pokolemed.

Tere, ba gazdon san-tole ke teveaksat, krimta ke Timor awir, arti remlapira kotaskiyina remi mayakaf gropeem vas bar-decit-tev-decem-san-anyustoy lieue solumolk.

Englik koe Kupang luntapon zo emuded. Tolaksaton di zavzagid enide va int tilded. Azon, Bligh lusteyes va pinafa schooner tota, ko Batavia lapir, lizu van Engla di mallakir.

Ba 14/03/1790 divginiktum va etol ke Portsmouth molanir. Nega va ekeyen nakereem va tamefa luntuca is exukera ke kot nuedik lular. Riwe vere, Admiralty ristula va Pandora gejatota dem tol-san-balemoyi buli is decem-tev-sanoy drigik dorjer aze ta onkara va tarlesiktum ke Bounty stakser.

Fu wit dacoba sin al vanpid.

III : Tarlesiktum

Kaiki divgira va Bligh redakik moe grocela, Bounty tota van Tahiti al italmonzer. Milvielon, va Tubuai artlapir. Kolukafa kerdela ke bata ewalama, iste drakafa anamba, va Christian ganer enide in di vankrir ; voxen zatcarapa ke yon irubasik nudratcersed, nume molapira me di zo sopur.

Ba 06/06/1789 ekasta ko Matavai bepra luber. Kagrupeson va Bounty, akoyera ke Tahiti irubasikeem tir lugavafa. Tarlesik va yon patectolik skedayan bak abdifa vurjara batlize katrasid, ise va kuda kareizud, gu dana va yolt ke Cook redakik koatcecked, i va yolt gesian gu setikeranya ke Tahiti irubasikeem.


Ba tol-san-lerde ke teveaksat, tarlesik van Tubuai gire mallapid ise va ewala tigisa eze zalorack ke yona tota is dem sid tir bodackaf ta malgestura koaneyad lize musedapon roblitid. Tursiaturtion batenide krabed, jontikote lonjeson is kaikaskison, rion djinon gan rictela ke Christian.

Azon, gire ware jekun gan boduca ke Tahiti, i gan zijnafa is fakafa lida ke irubasikeem, ko Matavai ceda artlapid. Batlize, drigapu mo siday vere titlanir. Voxen, dace batsielon, Bounty basekastar aze griawir, levida titlaniyis birelik va xialara ke Christian voldoon mallapis rotuculed.

Zurteyes pu int, bat ayik ko konaka utca ke ewala batcenseson koirubad. Stewart drigokilik is Peter Heywood midshipman ayik, i toloy fayik divzawayan gu lanzara tiyayana kev Bligh gan Christian is dostayan nekev sinafa kuranuca, koe Matavai poke Tipao gazik di zavzagid, ise Stewart va inafa berikya di fure yerumar. Morrison is Millward va Penno okilik emudeckes denlanid. Luxe kotar birelik, sin ko ewalistak lanid aze va Tahiti ayikya fure yerumad.

Churchill is zatkarsik yoltkiraf gu Thompson, arti konaka gomilara, va sint turkon rwamad. Churchill bak bata doaliera zo aytar, numen Thompson gan yon patectolik zo raporgar. Batinde toloy tarlesik cugeke pakeyes va tcumivera al xonuked. Kotar, volson, di grupaskir da gan irubasikeem di zo renonar.

Wori, Morrison is Millward va tiga rumkawesa vamoe intafa taka wan wid nume, koe bata ewala lize drikon di zo co kosmad, aulon me roblid. Acum va vegedura va schooner totama gorad kane va Batavia lagartlapitid liz vanmiaie seltayafa tamava va int drasutud. Do anyustoy dositik, kan anton xekeem ke tel intanyofasik, va totama yoltatan gu Resolution lajuvegedud, aze koe ceda, kadime tan uul ke Tahiti yoltkiraf gu Venus uul, ekastad. Voxen sinafa volrotira ta trasira va kon ital weyonar da mo bira mallapid.



Batedje, lanes va intafa volgunuca, Stewart va matela midur, ise Peter Heywood va yona ra ta ravlemak kaikion pomatapas va yon englaf ujalgalbedusik katanar.

TARLESIKTUM KE BOUNTY TOTA

Wori, san-anyustoy aksat al tiskid viele, ba 23/03/1791, tota va Venus uul kaiklapir aze ko Matavai ceda artlapir. To tir Pandora, stakseyena gan englafa Admiralty ristula ta onkara va tarlesiktum.

Heywood is Stewart ekeyud da va azeba molanid, va intaf yolt isu ravaliduga dakted, negad da va tarlera meinde al paked ; voxen me zo folid nume vere kobusumad, voxis kot sinaf dositik, nekev meka kogrupara. Askipen kan keviersesa meayafamuca, vajan gu busum, dratcen gu zeltara ede va Tahiti ava ta sintafa prilara zanudad, ko riba disa va abrotce vas san-tanoy inch lum moe arteon vadimedurja zo kobuded. Bata riba gu « bor ke Pandora » gan albasik va vundopa al zo dayoltar.

Ba san-lerde ke alubeaksat, Resolution tota, kopaasleyena gu ital, is Pandora mo bira mallapid. Remi baroy aksat, bata toloya tota reme Tonga ewaleem gadjed, lize guzekad da Christian is arak ke tarlesiktum al rogelbed. Resolution, dem mideme remi bata gadjera dace zanapar ; voxen mone Chatam ewala griawir, ise, kore Pandora rowinon konakvielon di zavzagir, va mea kon warzot va ina mei aluboy drigik di trasir.

Pandora dem daginikeem van Europa gire mallapid, voxen, iste Torres vedil, va drakdjiga klantar nume dem bar-san-tanoy birelik is balemoy tarlesik riwe vere belxar.

Drig is yon daginik divvawayas va bopelawera, va bixefa ewalama bam kaltalad oke kallapid. Batlize, fayik is birelik valev broca rogelbed ; voxen tarlesik, konedin gu lujuca ke xufa awaltara, ko bixe kal berga gonokosuxedad enide va kiazarama trasid.

Bopelanik moe bata ewalama konakvielon zavzagid ; aze kan yon likay ke Pandora va Timor kotote artlapid, ise febafa enintera va tarlesiktum mekon zo krayar, damo astirbuca ke goaspil.

Artlapiyis ko Engla bak teveaksat ke 1792, tarlesik lent gejapirdot taneatin gan Hood rambik zo komalyed. Atatcera va tevka tiskir. Tere balemoy buntunik zo vanbulud voxen ar tevoy zo awalklanzad, yoke emdura vas gomil is divdigira va odiayana tota. Balemoy lanzanik moe gejatota zo rumkad ; ar toloy, Stewart is Peter Heywood di zo grigaked kire gu volgunik tere zo kagruped.

Voxen tokinde Bounty al vanpir ? Kas dem ironokaf tarlesik al bopelawer ? Grupera va batcoba vol tir.

Bak 1814, arti tolsanalubda kaiki nakila tozusa va bata nega, toloya englafa gejatota koe Oceania gadjed, dirgana gan Staines redakik. Gee Dangereux tursia tigid, wisa va meftafa is tculkafa ewala kosmayana gan Carteret bak koyara aname tamava is inon yoltayana gu Pitcairn. Ina anton tir fey, riwe domegiskaf, vamoe bira arnon madawes, is stornanaf gu aalxo dem pia is galketa kale ontinuk. Bata ewala meviele al zo worar : arte decit-tol-decemoy mille solumolk male Tahiti tigur, moe geelaksiwak vas $25^{\circ}4'$ is taltewak vas $180^{\circ}8'$; inafa anamkola anton tir vas balemoy mille solumolk is acku, is lyapa vas anton tanoy mille solumolk is acku ; ise grupeks va ina anton tir munesteks ke Carteret.

Staines redakik gorar da va ina govestar nume va xocko ta vankrira aneyar.

Vanlapison va krimta, zo akoyer, kozwison va yon kiray isu taplekuxo is moe piluda toloy patectolik. Battan va totama mo bira platid aze va dimerunta dekson remlapid aze va gejatota vanlapid. Voxen gevawera ke Staines cugeke tir viele kan donafa englava gan bat blayak zo powar :

— Ex ! Win, kas va wazdel fu mimac enide di ticlaniv ?!


Su artlanis mo azeba, bat toloy prantaf detcesik gan yon akoydan birelik zo koanamad. Gu megrudulzemba bibera zo anзад. Jupan lent redakik, verton zo koerud.

— Toktan tic ?

— Jinaf yolt tir Fletcher Christian, is palik, Young.

Bat yolt pu Staines redakik voltrakus va moblisik ke Bounty va mecoba kalid.

— Tokvielu batlize tigid ?



— Batlize al kobliv.

— Toka winafa klaa tir ?

— Tí tol-san-alubdaf, ~ Christian dulzer, ~ is Young san-anyustdaf.

— Kas winaf gadikeem golde kona bopelawera mo bata ewala al zo mimad ?

Christian va kontesa movura bam pwader. To inyona bifapa :

Buluson va Tahiti, lize va tol-san-tanoy palik jovleyer, Christian, digis va koyaranega ke Carteret redakik moe tota, va Pitcairn rontion al vanlapiyir. Tirka ke bata ewala va guzekan enid nukatiyir. Tol-san-anyustoy ayik va drig ke Bounty ware ponayad. Tiyid Christian is Young fayamik is peroy birelik is tevoye Tahiti ayikye ilwaleyene koe Tahiti (don baroye do sinafa yerumanikya is tanoy sanaksataf pintik) is dere baroye ayikye is tevoya ayikya, i patectolik ke Rubuai.

Taneafa skura ke Christian is dositikeem moi zomera va Pitcairn ewala al tiyir vilara va Bounty, enide sin me di zo kosmayad. Tire, batkane va kota rotisaca va bulura va ewala al tiolteyed, voxen sinafa musuca dinepeyer.

Exonera va boniaxomo vakorkiron sopuweyer, wal korik tutanan gan antafa gotuskuca ke gomilara. Forteyotaf motc wal Tahiti ayik is englik fure al vinustayad. Numen, bak 1794, anton balemoy tarlesik rembliyd. Christian kan wed ke tan patectolik inon vanstayan al xonukeyer. Tahiti ayikyeem al zo stakeyer.

TARLESIKTUM KE BOUNTY TOTA

Tan englik, trasiyis va mergil ta iara va ruyat kankum zae ke lizukafa ruxa, va int grijon gituficayar, nume, konviele ve yokarsason, ticu kiria ko bira al ipeyer.

Artan, yatkan ve tuoviskaweson, va Young is tan birelik yoltkiraf gu John Adams al moebiduyur. Sin va in al gonovatayad. Bak 1800, Young nope tizafa gafladeona al mulufteyer. John Adams batvielu tiyir bocaf moblisik ke tarleyes drig.

Zavzas antaf do konaka ayikya is tol-sanoy rumeik kobliyis volvey yerumara ke intyon palik do Tahiti ayikya, anda ke John Adams aludevon al betaweyer. Batugale anton tiyir bar-san-tevdaf ; voxe mali konaka tanda va jontika tizafa ik twamesa nakila al tcokeyer, va ayafa tuwava ton yona gabentapafa kerdela al wiyir, eke va int al drunackayar nume al tukiewaweckeyer.

Koe nevak ke Bounty, videyen moe ewala, tanoya biblia is konaka blikeraneva tiyid. John Adams, jontikviele belis va sina, dewelduyur, kan yon donaf nelkot va jotafa sanelia torigisa va in gu gadik di gaayar, nume, yoke po ke debala, vanpiyir tel mwasik isu gertik isu laninde gazik ke Pitcairn.

Wori, kali 1814, kivara al tiyid elupkafa. Bak 1795, tota va Pitcairn al vanlapiyir, numen balemoy moblisik ke Bounty ko merovansano aalxo va int al preytayad aze kaiki mallapira ke tota va ceda oxam al rovetitlaniyid. Mila tranodaca viele bak 1808 amerikaf redakik va ewala vankriyir lize va ugalsabesiki is nanda konariyir aze pu englafa Admiralty ristula stakseyer ; voxen wira va batyona senteja ke Bounty va ina me skalteyer. Tire batugale koe Europa, loon astirbon zo abdikerelepeyer.

Nega askina pu Staines redakik tiyir mana. Toloye patectolikye tid englaf vey gadikye, bate tise nazbeik ke Christian is bane nazbeik ke Young. Voxen viele Staines erur enide va John Adams di wir, bantan vewar da di va tota molanir abdida va intafa titisa vantukera gruper.

Redakik, moida pu toloy yik al ravaladar da John Adams gan savsutura zo kevnendar larde tol-san-alubda mali tarlera ke Bounty al tiskir, mo siday lapir aze gan sanelia vas balem-san-tevoy milgik is jontik rumeik zo emuder. Kot ewalik tir godjaf, dem englaf ordap ; moekote yikya loeke tid listafa, ise sinafa moruca va brostapasa adala sokoingar.

Mwa tudrumkana koe ewala tid opelapafa. Waks ke kobara ke kottan mo vertok zo stragar. Tal tir megrupen ; kota dovalara kan zilikevura zo skur, voxen meka raba tigr kire taneugot gracawed. Irubasik wetce vage va edjipi is anamba kum werd anton diskid. Onara is midura tid dalafa adaerapa. Yerumara kan konovera ke Adams anton sokid, ise kaikida ayikye, ta pomoyara va gestura va titisa yasa, va tawovacka al wasarnar.

Kaikida Staines redakik va yon rilitapaf valdig icde bata ewala eglunafa iste teli leon nobani welfaki ke Pacifika al kayestar, pune mo bira mallapir aze ko Europa dimdenlapir.

Mali batugale, mokraf John Adams va intafa waltakirapafa klepa al jadar. Bak 1829 awalkeyer, aze gan George Nobbs zo ikarundayar. Bantan va fli wetce gertik is selaropik is bematavesik koe ewala wan ksuber.

Bak 1853, ocikeem ke tarlesiktum ke Bounty tir ota vas decem-per-sanoy olkik. Batvielu, sanelia dun laumar, nume jontikote vanpir eke, arti barda, mo Norfolk va int lokon gonexoner. Bata ewala gu xaltaxo batvieli al zo faver.

Voxen lek ke divlamasikeem va Pitcairn batcer, beka Norfolk ewala tir balemon logijafa isen sid tir mafelaf gu kuluca ise gropeem ke blira tir loon drikaf. Arti toldafa tiskira, konaka yasa ko Pitcairn dimlapid, lize wan tid trigafa.

To grogawera ke stuva folvapon bokaweyesesa tir. Vabdion : yon tarlesik, i adjubesik, i oviskik ; vox re : turestana gan nelkoteem ke kristevafa lidopa is kotrakura ziliyina gan dewelduyus birelik, Pitcairn ewala al vanpir guga ke zijnafa is luvedafa is kalafa sanelia lize gadikyerotifa lida ke ayasavsgal nediwer.

Tarlesiktum ke Bounty tota, ke Jules Verne (2^{-eafa} zixa is tena ; toza tigisa koe daref otuk)

Tarlesiktum ke Bounty tota : berpotam (1879) ke Jules Verne francaf suterotik
Xanto : *Les Révoltés de la Bounty* francavon, kalkotavayano gan Bruno Cordelier, 2013.
Dotay : Kotavaxak dem Suterot.


Robelin banliz : <https://www.calameo.com/read/007223618965c5410a57b>



Fletcher Christian is tarlesiktum ba 28^e ke balemeaksat ke 1789 va William Bligh redakik is 18 birelik ware ronkaf ta dantalera jovled. Grecaks ke Robert Dodd (1790).



Ksudaks ke *Bounty* tota veveduyuna bak 1960 ta olegara ke « Tarlesiktum ke Bounty tota » elpat. Vas 23% kapbure xantofa tota zo tugijayar.



Liwot nedis va totara ke Bounty koe Pacifika welfa wali 1788 is 1790.

Totara van Tahiti az tarlexo ba 28/04/1789 ; mali tarlera, dirganon gan Christian ; totasa kelda ke Bligh van Timor (02/05 - 14/06/1789).



Ref getaltuf wiks va Pitcairn ewala vanpiyisa guga ke veynazbeikeem ke tarlesiktum ke *Bounty* tota.

Ellasafa savsavafa tota, -500 AGJ-




Bak -V-eafa decemda AGJ-,
ellasik al jupayad da gejefruda tiyir
ano crakefo birervo ke bane sare.
Ellasafa barefruda, lizina gan
baroy moaykanaf detces emacek

va gijarotif persaf toteem bal Salamis meld ba 21-e ke
lerdeaksat ke -480 AGJ- vanmecobayad. Tol-decemoya
persafa tota zo vilayad voxen anton 40 ellasafa barefruda.
Barefruda kan ital totayar viele sukara tiyir zeitafa, voxe bal
meld kan detc zo abduplatitir. 170 detcesik me tiyid
levetirik vols nuyik. Va volnaf totuk lakidayad,
nokodason va inaf detceem. Azon barefruda
vanlapiyir enide sayakik va volanfa tota
rodomeyeyd aze gralomeyed.

☐ **Barefruda** gan 85 detcesik
moe kota eliwa zo liziyir : 31 ayik
moe ticef emacek is 27 moe sizef
emacek is 27 moe titef emacek zo
liziyir. Ta logijafa madaso po, detc
ke ticek moe azekos modive tota
zo windeyed.

☐ **Lozolonafa aliexa**
ke barefruda :
iyekotafa varza.



Radimi cenerapa koe Salamis, jontikar
biraf meld remi gejapa (-460-404 AGJ-)
wale Atina is Sparta dilizeyed. Geja ba
surtera ke Atina koe Aigos-Potamos bak
-405 AGJ- jiadaweyer. Adre barefruda
gan logamiafa efrudinda zo ikaplekuyud.

☐ **Efruda** lingeyena
keve bat gabeks tir dem
tanoy ital. Koe totekwa,
roneon, toloyo vingo ke
ekwa is bil faven ton
kototas azeb.



☐ **Krilaf wiks** va lentak ke
barefruda, keve ellasaf talolk.

☐ **Tan sanoy sayakik**
rusagon ervokiraf (*oplites*)
tadies va sayakafo po ke
barefruda. *Oplites* sayakik
va tota moe ticefa azeba
rojuyud ike va volnaf totuk
kidayan gan varza
domineyed olk.

-264 AGJ-

Tota ke Roma

Roma va yamba ke birafa

doaliera bal abrotcifa geja kev Carthago (-264-241 AGJ-) raveyer. Romafa efruda va demiot faveyed, i va bilinda dem demi, domineteson va volnafa tota.

□ Bata nakila

moni 100 RGJ- koe molt ke Ostia arte Tevere bost dilizer. Batlize dolekafa tota dem anamkafa cewa is livafa ekwa va doleks mal kotafo gindaxo ke Roma basvajad.

Widetyafa geja ke taneafa decemda AGJ- ba granaf meld ke 02/12/-31 AGJ- wal toteem ke Octavius is tel ke Antonius grocelon ice Actium tenuweyed. Efruda ke Antonius tisa ezasa ralmapa tantanon zo gralomeyed. Kaikion, rojutuson va birafa joya kev tcordik kerestias va ewaleem ke Mediterranea, romaf gindik va kalifa efruda viduyud.



□ Bat atcom


kimbas va romafa cenera va otsa ke gejatota is drig nedir.

Bak 43 RGJ- tuke granaf geja efrudeem, romik va Britana tolgeniyid.

Bak romafo gindaxo, dolekafa tota va arsay mal varafo biraxo ke Mediterranea is dace India gu Roma kostayad.

□ Romafa efruda

ke I-eafa decemda RGJ- tir gamiafa is deksafa leon dam ellasafa barefruda.



TELIZ

2^e bu : Vasco. Bizantiya.
26^e bu : Merofolina izva ke selaropa.
30^e bu : An viel, Ebeltaf Saneaksat.
46^e bu : Matteo Ricci.
56^e bu : Tarlesiktum ke Bounty tota, berpotam.
62^e bu : Tota ke Ellasa isu Roma.
64^e bu : Kuda ke Aisopos.

Kotavusa virda

Virda kotavon sanelayana, nuyon is faston romalvajana is rorubiana is rotanamzilina. Ickriluyun rokeem. PAG / DE.
Internetxo : www.europalingua.eu/KotavusaVirda
Bu : www.europalingua.eu/KotavusaVirda/25-e_otuk_11-2024

Sanegara : Santaneaksat ke 2024. 22^e otuk.

Yunkexa is ewava : ewaveem abugaf gu roka ok nuyon rotamuzen ok rictayan gan digisik.

LIWOMBURA

Tula va olkoy ke lan liwatum watson gu alto. Konaka gokosmana peryasafa liwomba.

Xantaza :

<https://kotava1837481.wordpress.com/2018/08/26/7-familles-en-kotava/>

4

Loma
LIDAGULIK




Martin Luther King
(1929-1968)

Martin Luther King tir amerikaf gertik.

Jotaf, va lyumara ta wideyaf rokeem ke ebeltikeem is miltuca vilter, metizuson sayudason ta dili is kev zaaveva is wawuca.

Va konaka kevtocesa exaksara isu tazgara isu tegira grustar, i va tulon Lanira ko Washington ta Nuyuca viele va osafa num kotgrupafa dewitca ("Al kloká") tiyar.

Va Dilifo Nobel Poradro (1964) kazawar, voxé bak 1968 urbanon zo adjuber.



Mahatma Gandhi - Nelson Mandela - Andrey Saxarov -
Martin Luther King - Rigoberta Menchú - Tank Man

Deaxoloc is valus idatcol

Ayik Deaxoloc, zavzagiyis kadime milkava, gan idatcol zo onkar. Rwoder ise kalir : « Efe grupé, idatcol, da ta rinafa estura zo baliké ; voxen enide volporon me di awalké, valul ise va jin stutesil ». Edje idatcol valur ise deaxoloc stutedar, vakol ba lor vanvulted aze va idatcol toz tcabaned. In pu deaxoloc rwodeson kalir : « Rotaxe dolge jin ! lecen, larde tí atelonyik, yorda vol tir valura ».

Batinde, koncoba askina volkare goaspil, dace gina koe nuba, zo sotioltér.

Kuda ke Aisopos, -VI^eafa decemda
(kalkotavaks gan Yurani Andergan)

